

Confidential



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

KREITI YA 12

SEPEDI LELEMETLALELETŠO LA BOBEDI (SAL)

LEPHEPHE LA BOBEDI (P2)

DIBATSELA 2025

LIMPOPO

MEPUTSO: 40

NAKO: Diiri tše 1½

Palomoka ya matlakala a dipotšišo ke 6.

DITAELO LE TSHEDIMOŠO

Badišiša ditaelo tše ka šedi pele o thoma go araba dipotšišo.

1. Lephephe le le na le KAROLO E TEE.
Dingwalo: Dikanegelokopana [40]
2. Araba dipotšišo ka moka (meputso 40).
3. Thoma potšišo YE NNGWE le YE NNGWE letlakaleng LE LEFSA.
4. Thala mothalo ka morago ga karabo ye nngwe le ye nngwe.
5. Nomora dikarabo tša gago go swana thwii le ka fao dipotšišo di nomorilwego ka gona.
6. Hlokomela mopeleto le tlhamo ya mafoko.
7. Nako ye e šišinywago: Dipotšišo tše pedi tša meputso ye 20 YE NNGWE le YE NNGWE.
Šomiša tekano ya metsotso ye 45 go potšišo YE NNGWE Le YE NNGWE.
8. Ngwala ka bothakga le ka mongwalo wa go balega.

LENANEOTEKOLO

DIKANEGELOKOPANA

KE BOPHELO – SJ Chokoe

| NOMORO YA POTŠIŠO | POTŠIŠO | MEPUTSO | NOMORO YA LETLAKALA |
|--------------------------|----------------|----------------|----------------------------|
| 1. 'Ke bophelo' | Potšišo ya 1 | 20 | 4 |
| LE | | | |
| 2. 'Ya ka Mpho še' | Potšišo ya 2 | 20 | 5 |

DINGWALO: DIKANEGELOKOPANA

Araba dipotšišo ka moka.

'KE BOPHELO' – SJ Chokoe

POTŠIŠO YA 1: 'KE BOPHELO'

Bala setsopolwa sa ka tlase gomme o arabe dipotšišo tša go se latela.

SETSOPOLWA SA A

A itlhothora morwa Tlaka, melora ya no fela e mmoaboa. O be a dumelelang gore ka meetseng gona o tsene? Ga se gona go ikepela lebitla la gagwe? Aretse, di tla bonwa ke masa tšeo.

Lenyalo e be e le le la yo mogolwagwe, ke šupa morwa wa bobedi wa mokgalabje Tlaka, ge ditaba tše di thomega. 5

Bašemane ke bašemane. O no goga Thele ka letsogo ba napa ba metšwa ke bošego. E sa le e eba lona letšatši leo, ke lehono a ekwa taba ye. Taba ye e thomile lona letšatši leo, lehono ebile e ke o gagabela go tšwa la bošeswai ngwedi. O a roromela Kwanyana, tsebe di kwa di sa bolelwego. O maketše mokgalabje, ditaba tša morwa di mo tletše dimpa. Di ka se mo tlale dimpa bjang a be a nagana gore morwa o a di tseba? Go kwanwe, go thwe setopo re šupa nakedi. 10

[Letl: 1–2]

- 1.1 Na molwantšhi le molwantšhwa ba kanegelokopana ye ke bomang? (2)
- 1.2 Tšweletša dintlha TŠE PEDI tša matseno a kanegelokopana tšeo mongwadi a kgonnego go di tšweletša. (2)
- 1.3 Akaretša diteng tša setsopolwa se ka dintlha TŠE PEDI. (2)
- 1.4 Tswalanya leina la ngwana wa Kwanyana le Thele, le gore ke ka lebaka la eng a reilwe leina leo. (2)
- 1.5 Tsweletša semelo sa Kwanyana le Thele go ya ka tsebo ya gago ya kanegelokopana ye. Fahlela karabo ya gago ka dintlha TŠE PEDI. (4)
- 1.6 Hlaloša moya wo o tšweletšwago ke ditiragalo tša setsopolwa se. Fahlela karabo ya gago. (2)
- 1.7 Go ya ka tsebo ya gago ya kanegelokopana ye, na bothata bo thomile kae le gona bo feletše kae? (2)
- 1.8 Ka dintlha TŠE PEDI hlaloša molaetša wa kanegelokopana ye. (2)
- 1.9 Ahlaahla ge e ba mongwadi o atlegile go nyalantšha hlogo le diteng tša kanegelokopana ye ka dintlha TŠE PEDI. (2)

[20]

LE

POTŠIŠO YA 2: 'YA KA MPHO ŠE'

Bala setsopolwa sa ka tlase gomme o arabe dipotšišo tša go se latela.

SETSOPOLWA SA B

... 'Kganthe ga o thabele go bona madi a gago Temo? Kganthe ga o nthate?'

'Ke a go rata, fela ga wa swanela go dira bjalo. A re ye ke go iše gae. Ke itlhaganetše ke nyaka go yo ikhutša.'

'Ra sepela bjang Temo? A ke re re swanetše go dula matšatši a mararo mo hoteleng ye bjalo ka ge re gopotše? Bothata ke eng?'

5

'Ga se selo rato, ke no ba ke gopotše mma kua gae. Ke be ke lebetše gore o rile ke tle ke mo iše ga ragadi ka bošego. Ka gore ke mo tshepišitše ke swanetše go ya. Phutha moratiwa re sepele.'

Ke ge go ka thweng? Ba phuthaphuthile baratani ba babedi bale ebile ba ikgašitše gagabo Sebotse. O ganelela ka sefatanageng Sebotse, ga a rate go kgaogana le wa pelo ya gagwe. A ka nyaka go arogana nae bjang mola e le yena a mmontšhitšego gore le yena o a kgona?

10

[Letl: 13]

2.1 Efa tswalano ya baanegwa ba latelago:

2.1.1 Temo le Sebotse

(1)

2.1.2 Mmile le Temo

(1)

2.2 Na mebolelwana ye e thaletšwego e hlaloša eng go ya ka moo e dirišitšwego ka gona setsopolweng se?

(2)

2.3 Hlaloša mehola ya poledišano gare ga Temo le Sebotse ka dintlha TŠE THARO.

(3)

2.4 Na tikologo ye e tšwelelago mo setsopolweng se ke ya mohuta ofe? Tsopola dintlha TŠE PEDI go kgonthiša karabo ya gago.

(3)

2.5 Ka dintlha TŠE PEDI hlaloša seo se hlohleditšego tiragalo ya setsopolwa se.

(2)

2.6 Laetša ponelopele ya gago mabapi le diteng tša setsopolwa se ka dintlha TŠE PEDI.

(2)

2.7 Utolla morero wa kanegelokopana ye. Hlaloša ka ntlha YE TEE.

(2)

- 2.8 Maikutlo a gago ke afe mabapi le seo Temo a se dirago go Sebotse? Fahlela karabo ya gago ka lebaka la go kwagala. (2)
- 2.9 Kanegelokopana e swanetše go fega mmadi. Na o bona mongwadi wa kanegelokopana ye a atlegile lebakeng le? (2)

[20]

PALOMOKA YA TLHAHLOBO: 40